

20
25

bangor.ac.uk



PRIFYSGOL
BANGOR
UNIVERSITY

**Dathliadau
Graddio**
Dosbarth 2025

A man with a beard and glasses, wearing a dark blue suit and a blue and yellow striped tie, stands with his hands clasped in front of a large, historic stone building with arched windows. The building appears to be a university or institutional structure.

**Croeso gan yr
Is-Ganghellor
Llongyfarchiadau!**

Twf a Thrawsnewid

Mae graddio yn garreg filltir arwyddocaol ym mywyd pob myfyriwr a heddiw mae'n bleser mawr gennym ddathlu eich llwyddiannau yma ym Mhrifysgol Bangor!

Mae eich profiad prifysgol wedi mynd â chi ar daith o dwf a thrawsnewid. Hoffwn dalu teyrnged arbennig i chi am eich ymrwymiad a'ch ymroddiad i ddysgu.

Graddio yw'r dyddiad pwysicaf yn y calendr addysg uwch. Fel Is-Ganghellor, mae'n bleser mawr gennyf fod yn bresennol yn y seremonïau hyn, yn tystio i'ch llwyddiant a dathlu grym trawsnewidiol addysg brifysgol. Rydym yn falch iawn o allu rhannu dathliadau ein holl raddedigion gyda theuluoedd, ffrindiau a chefnogwyr.

Pa bynnag lwybr a ddewiswch, mae'r brifysgol yn dymuno'n dda i chi ar gyfer y dyfodol, ac yn gwneud hynny gan wybod bod Bangor wedi'ch helpu i ehangu eich meddwl a'ch doniau, gan roi'r wybodaeth, y profiadau a'r rhwydweithiau i chi i'ch cynorthwyo wrth i chi lywio'r camau nesaf yn eich bywyd.

Cofiwch y bydd eich cysylltiad â Phrifysgol Bangor yn para am oes. Rydych yn awr yn rhan o'n cymuned ryngwladol, llwyddiannus o gyn-fyfyrwyr a byddwn yn ymdrechu i barhau i'ch cefnogi, lle bynnag yr ydych yn y byd. Ar ran staff y brifysgol, dymunaf bob llwyddiant i chi wrth gyflawni eich amcanion.

**Yr Athro Edmund Burke
Is-Ganghellor**

Prifysgol Bangor:

Y Gorffennol,

Y Presennol a'r Dyfodol

Pan agorwyd y coleg, cofrestrwyd 58 o fyfyrwyr ar gysiau yn amrywio o Roeg, Lladin, Cymraeg a Saesneg i Gemeg, Mathemateg, Botaneg ac Amaethyddiaeth. Wrth i adrannau a phynciau newydd gael eu sefydlu, cynyddodd nifer y myfyrwyr i tua 300 erbyn troad yr 20fed ganrif. Bu twf mawr yn y 1950au a'r 1960au, a heddiw mae dros 11,000 o fyfyrwyr yn astudio yma.

Heddiw mae ein hymchwil sydd gyda'r gorau yn y byd yn chwilio am atebion i rai o broblemau mwyaf heriol cymdeithas - o wella iechyd a lles a diogelu'r amgylchedd i ddarganfod atebion ynni carbon isel a darparu atebion newydd i hyrwyddo'r economi 5G byd-eang.

Mae ein haddysgu wedi ei seilio ar ymchwil wreiddiol mewn llawer o'n disgyblaethau. Gall myfyrwyr gael eu haddysgu gan staff academiaidd sy'n arweinwyr ymchwil mewn meysydd mor amrywiol â gofal iechyd a gwyddorau meddygol, gwyddorau'r amgylchedd, busnes a cherddoriaeth.



1884
Wedi'i hariannu'n rhannol gan chwarelwyr a ffermwyr, agorodd Prifysgol Bangor ei drysau am y tro cyntaf ar 18 Hydref 1884, wedi'i lleoli yn hen dafarn y goets fawr, y Penrhyn Arms.

1893
Daeth Prifysgol Cymru Bangor yn un o dri choleg cyfansoddol gwreiddiol Prifysgol Cymru.

1903
Rhoddodd Dinas Bangor safle 10 erw ym Mhenrallt uwchben y ddinas ar gyfer adeilad newydd i'r coleg, a chasglwyd swm sylweddol o arian gan bobl leol tuag at y gost o'i adeiladu.

1907-1939

1907
Gosodwyd carreg sylfaen safle presennol Prif Adeilad y Celfyddydau gan Edward VII ar 9 Gorffennaf 1907.

1911
Agoriad swyddogol Prif Adeilad y Celfyddydau, a adeiladwyd gan Henry T. Hare, pensaer o Lundain; ynghyd â rhai o adeiladau'r celfyddydau a gwyddorau cymdeithas a rhan o'r llyfrgell.

1926
Symudodd adrannau gwyddoniaeth y Brifysgol i adeiladau newydd a phwrpasol a adeiladwyd â chymorth arian a godwyd gan Gyngor Cofeb Arwyr Gogledd Cymru, a fu hefyd yn goruchwyllo'r gwaith o adeiladu'r Porth Coffa (oddi ar Ffordd Deiniol) ym 1923, i gofio'r rhai o Ogledd Cymru a gollodd eu bywydau yn y rhyfel.

1939
Ar 23 Awst 1939, wythnos cyn dechrau'r Ail Ryfel Byd, dechreuodd yr Oriel Genedlaethol yn Llundain gludo'r gweithiau celf mwyaf gwerthfawr i Fangor, gan fod pryder y byddai bomiau'n cael eu gollwng ar Lundain. Cafodd mwy na 500 o baentiadau, gan gynnwys gweithiau gan Botticelli, Rubens a Rembrandt, eu storio yn y brifysgol yn Neuadd Prichard-Jones.

1949-1967



1949
Ar 28 Ebrill 1949, dyfarnwyd Doethuriaeth er Anrhydedd mewn Cerddoriaeth i'w Mawrhydi'r Frenhines Elizabeth II, neu Ei Mawrhydi'r Dywysoges Elizabeth fel yr oedd ar y pryd, gan ei Fawrhydi'r Tywysog Philip, oedd newydd gael ei wneud yn Ganghellor y Brifysgol.

1952
Sefydlwyd y corff Gwirfoddoli Myfyrwyr Bangor, sef cangen wirfoddoli Undeb y Myfyrwyr, sy'n cefnogi projectau cymunedol yn ardal Bangor a'r cyffiniau.

1960au
Roedd y Brifysgol yn rhan o'r ehangu cyffredinol mewn addysg uwch yn y DU yn dilyn Adroddiad Robbins, gyda nifer o adrannau newydd ac adeiladau newydd

1967
Ymwelodd y Beatles â'r Coleg Normal, ar gyfer y ddarlith ar Fyfyrdod Trosgynnol gan y Maharishi Mahesh Yogi. Bu'r ymweliad yn ddyddiad hollbwysig yn hanes y grŵp, gan mai yma yr oeddent pan ddaeth y newyddion am farwolaeth eu rheolwr, Brian Epstein.

1970-2014

1970au
Roedd protestiadau myfyrwyr yn y 1970au yn canolbwyntio ar alwadau i ehangu swyddogaeth y Gymraeg. Yn sgil ymgyrch yn erbyn polisi iaith y coleg gan Gymdeithas y Cymric, paentiwyd sloganau yn Gymraeg ar waliau'r Prif Adeilad, gan arwain at nifer o fyfyrwyr yn cael eu hatal o'u hastudiaethau.

1974
Arweiniodd y protestiadau a diarddel myfyrwyr at sefydlu Undeb Myfyrwyr Colegau Bangor (UMCB). Sefydlwyd Neuadd Gymraeg i fyfyrwyr y Brifysgol, sef Neuadd John Morris-Jones.

1977
Cwblhawyd y broses o uno'r Brifysgol gyda Choleg y Santes Fair.

1996
Cwblhawyd y broses o uno'r Brifysgol gyda'r Coleg Normal.

2003
Lansiwyd Storm FM, gorsaf radio swyddogol myfyrwyr Prifysgol Bangor, gan ddechrau darlledu ym mis Mawrth 2003.

2007
Dechreuodd y Brifysgol ar y broses o newid ei henw i Brifysgol Bangor, gan gynnwys rhoi pwerau dyfarnu graddau i Brifysgol Bangor ei hun.

2014
Llofnodwyd cytundeb gan Brifysgol Bangor i greu coleg newydd yn Tsieina; Coleg Bangor yn Tsieina (BCC).

2015-2025

2015
Agorwyd Pontio, y Ganolfan Celfyddydau ac Arloesi, gyda thua 1000 o bobl yn mwynhau Diwrnod Croeso yn y ganolfan.

2018
Cwblhawyd M-SParc, parc gwyddoniaeth pwrpasol cyntaf Cymru gwerth £20m sy'n eiddo i'r Brifysgol ar Ynys Môn.

2021
Prifysgol Bangor yn dathlu 100 mlynedd o gerddoriaeth gyda rhaglen flwyddyn o hyd o ddigwyddiadau, yn nodi 100 mlynedd ers penodi'r cyfansoddwr E.T. Davies yn Gyfarwyddwr Cerdd llawn- amser cyntaf y brifysgol.

2022
Mae Fframwaith Rhagoriaeth Ymchwil Llywodraeth y DU yn gosod Bangor yn y 30 Uchaf trwy'r Deyrnas Unedig am effaith gymdeithasol ei hymchwil. Ystyrir bod 85% o'n hymchwil gyda'r gorau yn y byd neu'n rhagorol yn rhyngwladol.

2023
Sefydlu Ysgol Feddygol Gogledd Cymru newydd gyda chefnogaeth Llywodraeth Cymru ac mewn partneriaeth â Bwrdd Iechyd Prifysgol Betsi Cadwaladr.

2024
Prifysgol Bangor yn dathlu 140 mlynedd.

Persbectif Unigryw

Mae Prif Adeilad y Celfyddydau ym Mhrifysgol Bangor yn parhau i fod yn ganolbwynt i'r Brifysgol a chafodd ei ddisgrifio gan Cadw, gwasanaeth amgylchedd hanesyddol Llywodraeth Cymru, 'yn bensaernïol yn un o adeiladau cyhoeddus mwyaf arwyddocaol y cyfnod ym Mhrydain'.

Adeiladwyd rhwng 1907-11 gan Henry T. Hare, a ddewiswyd yn dilyn cystadleuaeth bensaernïol a gynhaliwyd gan y Brifysgol, ar ôl caffael y safle ym 1903. Gosodwyd y garreg sylfaen gan Edward VII ar 9 Gorffennaf 1907, a chynhaliwyd yr agoriad swyddogol ar 14 Mehefin 1911.

Mae'r adeilad mewn arddull 'Tuduraidd Golegol' ac mae wedi'i seilio ar brifysgolion Rhydychen, Caergrawnt a Durham, gyda dylanwadau'r mudiad Celf a Chrefft. Mae'r adeilad wedi ei ddylunio o amgylch dau gwadrangl: y Prif Gwadrangl a'r Cwadrangl Mewnol, sy'n agored i'r cyhoedd ar Ddiwrnod Graddio ac ar gyfer digwyddiadau arbennig.



PRIFYSGOL
BANGOR
UNIVERSITY



Neuadd Prichard-Jones

Mae Neuadd Prichard-Jones, lle cynhelir y seremoni raddio heddiw, wedi'i henwi ar ôl Syr John Prichard-Jones, dilledydd o deulu cyffredin ar Ynys Môn a wnaeth ei ffortiwn yn Stryd Regent yn Llundain fel rheolwr gyfarwyddwr siopau mawr Dickens and Jones, a brynwyd gan Harrods yn 1914.

Cyfrannodd Syr Prichard-Jones £15,000 tuag at ei hadeiladu, a chafodd ei annog i gynorthwyo'r coleg yn y ffordd hon gan David Lloyd George, un o brif gefnogwyr y Brifysgol, a oedd yn Ganghellor y Trysorlys bryd hynny, cyn mynd ymlaen i ddod yn Brif Weinidog y DU.

Nid yw tu mewn y neuadd wedi newid llawer ers iddi gael ei hagor yn 1911. Mae'r tariannau sy'n addurno brig y muriau'n cynrychioli hen fwrdeistrefi Gogledd Cymru a gosodwyd yr organ bib yn dilyn cau eglwys leol y Tabernacl ddechrau'r 1970au.

Mae'r electroganwyllyron (siandeliers trydan) yn dal i hongian o'r nenfwd, ac mae'r waliau wedi'u gorchuddio â'r paneli wenscot gwreiddiol.

Caiff ei defnyddio'n aml gan y Brifysgol a'r gymuned, ac mae cenedlaethau lawer o fyfyrwyr wedi sefyll arholiadau, dawnsio a bod mewn seremonïau graddio yma. Mae gan y neuadd hefyd draddodiad hir o gynnal adloniant cerddorol i Ogledd Cymru, gyda pherfformwyr yn cynnwys Syr Bryn Terfel ac Aled Jones MBE.

Eich Seremoni Raddio

Dyma gyfle i ddathlu a myfyrio ar lwyddiannau ein myfyrwyr ac i alluogi cymuned y brifysgol i gydnabod eich cyflawniadau.

Gallwn yn awr gyda balchder mawr weld ein graddedigion yn cymryd eu camau cyffrous nesaf i'r byd, fel y mae llawer o rai eraill wedi'i wneud o'u blaen.

Pa un a ydych yn graddio, yn berthynas neu'n gyfaill i rywun sy'n graddio, rydym yn gobeithio y cewch ddiwrnod pleserus a fydd hefyd yn eich ysbrydoli.

Llongyfarchiadau!

Yr Orymdaith

Mae pob seremoni'n dechrau gyda gorymdaith. Fe'i harweinir gan Brif Farsial – sef uwch aelod o staff gweinyddol y Brifysgol. Ei waith yw gofalu bod y seremoni yn mynd yn ei blaen yn ddidrafferth. Yn dilyn y Prif Farsial yn yr orymdaith ceir sawl adran, pob un yn cael ei harwain gan Farsial(iaid), sydd hefyd yn swyddogion yn y Brifysgol:

Adran 1:

Staff academiaidd a phobl leol flaenllaw

Adran 2:

Penaethiaid Ysgolion a Phenaethiaid adrannau Gwasanaethau Proffesiynol canolog

Adran 3:

Uwch swyddogion y Brifysgol, yn cynnwys y Dirprwy Is-gangellorion a'r Cyflwynydd

Adran 4:

Cymrodyr er Anrhydedd a'u Cyflwynwyr

Adran 5:

Gorymdaith y Canghellor, yn gynnwys yr Is-Ganghellor a'r Canghellor (neu ei ddirprwy)

Arweinir rhan olaf yr orymdaith, sef gorymdaith y Canghellor, gan Gludydd y Brysgyll, sydd hefyd yn aelod uwch o staff gweinyddol y Brifysgol.

Y Canghellor

Canghellor Prifysgol Bangor yw'r academydd a'r ffisegydd, yr Athro Syr Robin Williams.


Y Canghellor yw pennaeth seremonïol y brifysgol ac un o'i llysgenhadon amlycaf. Gweithiai gyda'r Is-Ganghellor ac uwch swyddogion eraill i hyrwyddo llwyddiannau'r brifysgol, gartref a thramor.

Graddiodd Syr Robin ym Mhrifysgol Bangor ac mae'n eiriolwr cryf dros natur ddwyieithog y brifysgol. Penodwyd i'r swydd ym mis Tachwedd 2022.

Mae Syr Robin yn awdurdod ym maes lled-ddargludyddion ac mae ei ymchwil wedi bod yn bwysig yn natblygiad electroneg ddigidol a'r newidiadau pellgyrhaeddol ym maes cyfrifiadura a chyfathrebu. Gan weithio'n agos gyda diwydiannau ledled y byd, datblygodd ddulliau newydd o astudio lled-ddargludyddion ac roedd yn un o'r rhai cyntaf i ddefnyddio ymbelydredd synchrotron i astudio arwynebau solidau.

Cafodd ei urddo'n farchog yn rhestr anrhydeddau pen-blwydd Brenhines Elizabeth II yn 2019 am wasanaethau i addysg uwch, ymchwil a'r Gymraeg, ac mae Syr Robin wedi gwasanaethu ar lawer o gyrff polisi a chyllido yn rhyngwladol ac yn y Deyrnas Unedig ac ar grwpiau cynghori gweinidogol ar ddatblygiad economaidd ac addysg yng Nghymru.

Mae'n gyn-gadeirydd Cyngor Ymgynghorol Gwyddoniaeth Cymru. Roedd yn aelod o Gyngor Ymgynghorol Arloesi Cymru ac yn un o gymrodyr sylfaenol Cymdeithas Ddysgedig Cymru. Dyfarnwyd Medal Wyddoniaeth a Thechnoleg yr Eisteddfod Genedlaethol 2022 i Syr Robin am ei gyfraniad gydol oes at wyddoniaeth.



Trefn y Gweithgareddau

Cerddoriaeth

Cyn i'r seremoni ddechrau bydd rhaglen o gerddoriaeth, gan orffen gyda cherddoriaeth yr orymdaith, sy'n dynodi dechrau'r seremoni. Cerddoriaeth yr orymdaith: John Stanley – 'Trumpet Voluntary'

Yr orymdaith

Gofynnir i'r gynulleidfa sefyll pan mae'r orymdaith yn dod i mewn i'r neuadd. Dyma ddechrau'r seremoni yn ffurfiol.

Rhagarweiniad

Mae'r seremoni'n agor gydag adroddiad gan fyfyrwr o'r Brifysgol o ddarn o gerdd, 'Y Coleg ar y Bryn' gan y diweddar Gwyn Thomas. Darllenir y darn yn Gymraeg a Saesneg. Roedd Gwyn Thomas, a fu farw yn 2016, yn gyn Athro y Gymraeg yn y Brifysgol, ac roedd yn Fardd Cenedlaethol Cymru o 2006 tan 2008. Comisiynwyd y gerdd gan Ei Fawrhydi Brenin Charles III, neu Dywysog Cymru fel yr oedd ar y pryd, yn 2007 i ddathlu canmlwyddiant gosod carreg sylfaen Prif Adeilad y Celfyddydau.

Y penderfyniad

Mae'r Prif Gyflwynydd, sy'n academydd uwch, yn darllen y penderfyniad yn Gymraeg a Saesneg sy'n rhoi awdurdod i'r Is-Ganghellor i ddyfarnu graddau, ac mae hefyd yn cyflwyno pob grŵp o fyfyrwyr ar gyfer eu gwahanol raddau a diplomâu â'r geiriau: Anrhydeddus Is-Ganghellor, cyflwynaf i chi'r disgyblion hyn a enillodd radd (... teitl y radd ...) mewn (.. enw/enwau'r pwnc/pynciau a astudiwyd ...)

Cyflwyno'r myfyrwyr

Mae Cyflwynydd, Dirprwy Is-Ganghellor yr Adran berthnasol neu ei (d)dirprwy fel rheol, yn cyflwyno myfyrwyr i'r Is-Ganghellor trwy ddarllen eu henwau llawn. Mae pob myfyrwr yn ei dro yn croesi'r llwyfan i gael eu cyfarch gan yr Is-Ganghellor a'r Canghellor (neu ei ddirprwy).

Derbyn myfyrwyr i raddau

Bydd yr Is-Ganghellor yn derbyn grwpiau o fyfyrwyr i'w graddau yn ffurfiol trwy ddweud: Ar ran y Brifysgol rwy'n cadarnhau eich bod wedi derbyn gradd (... enw'r radd) a holl freiniau'r radd hon. Bydd y Canghellor (neu ei ddirprwy) yn cyfarch y graddedigion trwy ddweud: Llongyfarchiadau ar dderbyn eich gradd heddiw. Yna ailadroddir y drefn hon ar gyfer pob grŵp o fyfyrwyr. Cyflwynir y rhai a enwir yn eu grwpiau priodol yn y rhaglen i dderbyn eu graddau mewn absentia.

Egwyl

Tua hanner ffordd drwy'r seremoni, bydd egwyl gerddorol fer.

Gwobrau Addysg a Phrofiad Myfyrwyr

Mewn rhai seremonïau graddio bydd y Brifysgol yn cyflwyno Gwobr Addysg a Phrofiad Myfyrwyr i aelod o staff y bernir ei fod/bod wedi gwneud

cyfraniad arbennig i addysgu a/neu i gefnogi dysgu. Enwebir rhai i dderbyn Gwobrau Addysg a Phrofiad Myfyrwyr gan y rhai sydd yn y sefyllfa orau i farnu – y myfyrwyr eu hunain.

Cymrodoriaethau a Graddau er Anrhydedd

Tuag at y diwedd mewn rhai seremonïau graddio cyflwynir Cymrodoriaethau a Graddau er Anrhydedd gan y Brifysgol i unigolion sydd wedi gwneud cyfraniad nodedig yn eu gwahanol feysydd ac y mae'r Brifysgol yn dymuno eu hanrhydeddu. Cyflwynir y rhain gan yr Is-Ganghellor.

Anerchiad cloi

Bydd y seremoni yn cloi gydag anerchiad i'r graddedigion a'r gwesteion newydd.

Hen Wlad Fy Nhadau (anthem genedlaethol Cymru)

Gweler y geiriau drosodd.

Yr orymdaith yn gadael y neuadd

Gofynnir i'r gynulleidfa sefyll pan fydd cerddoriaeth yr orymdaith yn dechrau ac wrth i'r orymdaith adael y neuadd. Cerddoriaeth yr Orymdaith: F. Mendelssohn – 'War March of the Priests'

Hen Wlad Fy Nhadau

Mae hen wlad fy nhadau yn annwyl i mi,
Gwlad beirdd a chantorion, enwogion o fri;
Ei gwrol ryfelwyr, gwladgarwyr tra môd,
Tros ryddid gollasant eu gwaed.

Cytgan:

Gwlad, Gwlad, pleidiol wyf i'm gwlad,
Tra môr yn fur i'r bur hoff bau,
O bydded i'r heniaith barhau.

Hen Gymru fynyddig, paradwys y bardd;
Pob dyffryn, pob clogwyn, i'm golwg
sydd hardd

Trwy deimlad gwladgarol,
mor swynol yw si
Ei nentydd, afonydd, i fi.

Cytgan

Os treisiodd y gelyn fy ngwlad dan ei droed,
Mae hen iaith y Cymry mor fyw ag erioed,
Ni luddiwyd yr awen gan erchyll law brad,
Na thelyn berseiniol fy ngwlad.

Cytgan

Anthem Epig a'i Tharddiad



Cyfansoddwyd tôn a geiriau'r gân a fabwysiadwyd yn ddiweddarach fel ein hanthem genedlaethol ym mis Ionawr 1856. Roedd yn ganlyniad cydweithio rhwng tad a mab o Bontypridd: Evan James, awdur y geiriau, ali fab James James, cyfansoddwr y dôn.

Perfformiwyd y gân am y tro cyntaf yn ysgoldy Capel Tabor (Eglwys Bresbyteraidd Cymru), Maesteg, gan Elisabeth John, Pontypridd, ac yn fuan, roedd y gân yn boblogaidd yn ardal Pontypridd.

Daeth yn fwy adnabyddus ar ôl Eisteddfod Llangollen 1858. Fe'i cyhoeddwyd mewn casgliad poblogaidd o ganeuon Cymreig, a daeth yn ffefryn mewn eisteddfodau ac achlysuron gwladgarol eraill. Yn raddol daeth Hen Wlad Fy Nhadau yn anthem genedlaethol Cymru - er nad oes ganddi statws swyddogol hyd heddiw.



Y Brysgyll

Y Brysgyll yw symbol awdurdod y Brifysgol ac yn y seremoni mae'n mynd o flaen yr Is-Ganghellor bob amser.

Comisiynwyd y Brysgyll gan Gymdeithas y Cyn-fyfrwyr i goffáu canmlwyddiant y Brifysgol ym 1984. Ar frig y Brysgyll ceir tarian gydag arfbais y Brifysgol arni, a gwnaed ei ben o lechfaen Bethesda. Mae hyn i gofio haelioni'r chwarelwyr lleol a gyfrannodd ran o'u cyflogau wythnosol yn nechrau'r 1880au tuag at sefydlu'r Brifysgol.

Mae'r ddwy ffon eboni sy'n cael eu cario gan y marsialiaid yn rhodd gan y pumed Arglwydd Kenyon a gwblhaodd 36 mlynedd o wasanaeth fel Llywydd y Brifysgol yn 1981. Ar ben y ffyn ceir tariannau ac arnynt arfbeisiau'r Brifysgol a'r teulu Kenyon.

Graddau er Anrhydedd

Mae ein Cymrodoriaethau a'n Graddau er Anrhydedd yn ddyfarniadau mawr eu bri a roddwn i unigolion nodedig sydd â chysylltiad â'r Brifysgol, neu â Chymru, ac sydd wedi gwneud cyfraniad eithriadol yn eu gwahanol feysydd.



Cheryl Foster MBE - Doethuriaeth er Anrhydedd mewn Gwyddoniaeth (DSc er Anrhydedd)
Dyfarnwraig a chyn chwaraewraig bêl-droed i dîm rhyngwladol merched Cymru - Am gyfraniad at Lwyddiannau ym Myd y Campau

Mae Cheryl Foster MBE yn ffigwr arloesol ym myd y campau yng Nghymru ac wedi rhagori fel chwaraewraig a dyfarnwraig, gan oresgyn y rhwystrau a'i hwynebai mewn maes sydd, yn draddodiadol, wedi'i ddominyddu gan ddynion. Dechreuodd ar ei gyrfa eithriadol yng Nghlwb Pêl-droed Dinas Bangor, cyn mynd ymlaen i chwarae i rai o glybiau amlycaf y Deyrnas Unedig, gan gynnwys tîm merched Clwb Pêl-droed Lerpwl. Mae'n gyn-chwaraewraig rhyngwladol i dîm merched Cymru gan gael 63 o gapiau a gwneud cyfraniad pwysig o ran codi proffil pêl-droed merched. Wrth bontio i fyd dyfarnu, hi oedd y Gymraes gyntaf i ddyfarnu yng ngemau Cwpan Pêl-Droed Merched y Byd FIFA, a chafodd ei dewis i ddyfarnu rownd derfynol Cyngghair Pencampwyr Merched UEFA yn 2023. Mae Cheryl hefyd yn gyn-fyfrwraig ym Mhrifysgol Bangor, a hynny deirgwaith.



Hanan Issa - Doethuriaeth er Anrhydedd mewn Llên (DLitt er Anrhydedd)
Nghymru Bardd Cenedlaethol Cymru - Am gyfraniad at Ddiwylliant, Iaith, Cerddoriaeth a'r Celfyddydau

Bardd, gwneuthurwr ffilmiau, sgriptwraig ac artist Iraci-Gymreig yw Hanan Issa a hi yw Bardd Cenedlaethol Cymru ar hyn o bryd - y Mwslim cyntaf i gael ei hanrhydeddu â'r teitl. Mae'n ymhyfydu yn nhraddodiad canu ar y gynghanedd yn Gymraeg a'i nod yw ehangu ymgysylltiad pobl â barddoniaeth. Mae ei gwaith yn ymdrin â themâu hunaniaeth, perthyn a natur. Hi ysgrifennodd a chyfarwyddo The Golden Apple (2022) a chyfrannodd at y rhaglen We Are Lady Parts ar Channel 4. Mae ei gwaith hefyd wedi ymddangos mewn blodeugerddi o bwys, gan gynnwys Welsh (Plural): Essays on the Future of Wales a Just So You Know: Essays of Experience, sy'n gyfrol yr oedd yn gyd-olygodd arni.



Professor Pedr ap Ilywd PLSW - Doethuriaeth er Anrhydedd mewn Llên (DLitt er Anrhydedd)
Cyn Brif Swyddog Gweithredol a Llyfrgellydd Cenedlaethol Llyfrgell Genedlaethol Cymru - Am gyfraniad at Ddiwylliant, Iaith, Cerddoriaeth a'r Celfyddydau yng Nghymru

Mae'r Athro Pedr ap Ilywd, cyn Brif Weithredwr a Llyfrgellydd Cenedlaethol Llyfrgell Genedlaethol Cymru, wedi chwarae rhan flaenllaw yn y gwaith o wneud gwybodaeth, diwylliant a threftadaeth yn fwy hygyrch i bobl ledled Cymru. Hyrwyddodd broiectau digideiddio ac allgwmorth mawr, gan helpu i drawsnewid y Llyfrgell i fod yn adnodd cenedlaethol agored a chynhwysol. Graddiodd o Brifysgol Bangor ac mae wedi meithrin cysylltiadau cryf â'r Brifysgol ac wedi cefnogi ymchwil i ddiwylliant Cymru. Mae ganddo gysylltiad dwfn â gogledd Cymru ac mae ei waith diweddar gyda Chronfa Dreftadaeth y Loteri Genedlaethol yn dangos ei ymroddiad i'r rhanbarth, gan gynnwys ei gefnogaeth i broiectau treftadaeth allweddol yn Llanberis a Bethesda.



Sharon Manning MBE - Doethuriaeth er Anrhydedd mewn Gwyddoniaeth (DSc er Anrhydedd)
Cyn-nyrs arbenigol canser gyda Macmillan - Am Wasanaeth Cyhoeddus

Mae Sharon Manning wedi ymroi i'r GIG yng Nghymru ers dros 30 mlynedd. Dechreuodd ar ei gyrfa fel glanhawraig yn Ysbyty Glan Clwyd yn 1989, ac aeth ymlaen i fod yn Nyrs Arbenigol Oncoleg Gynaecoleg gyda Macmillan. Yn y flwyddyn 2000 cafodd ei hysbrydoli i gymhwyso fel nyrs a daeth i hyfforddi ym Mhrifysgol Bangor (BN Nyrsio 2004) ac yn ddiweddarach arloesodd mewn defnyddio Draen Ruced, sef gwasanaeth a olygai fod cleifion canser yn gallu rheoli eu symptomau gartref. Arweiniodd y arloesi hwnnw at drawsnewid gofal lliniarol a chafodd y dull hwnnw ei fabwysiadu ledled gogledd Cymru. Derbyniodd Sharon Gymrodoriaeth a Gwobr Arloesi Macmillan yn 2017 a bu iddi ymddeol yn 2022 ar ôl blynyddoedd o ddarparu gofal tosturiol, claf-ganolog.



Gwyn Lewis Williams - Doethuriaeth er Anrhydedd mewn Cerddoriaeth (DMus er Anrhydedd)
Cyfarwyddwr Cerdd - Am gyfraniad at Ddiwylliant, Iaith, Cerddoriaeth a'r Celfyddydau yng Nghymru

Mae Gwyn Lewis Williams yn gyn-fyfyriwr (MA Cerddoriaeth 1970) ac yn gyn-ddarlithydd ym Mhrifysgol Bangor ac mae wedi cael gyrfa nodedig yn y byd celfyddydol ers dros 50 mlynedd. Bu'n drympedwr proffesiynol ac yn uwch gynhyrchydd cerddoriaeth i'r BBC ac mae wedi arwain sefydliadau mawr gan gynnwys Theatr Ardudwy, Eisteddfod Ryngwladol Llangollen, a Tŷ Cerdd. Mae'n arweinydd angerddol ac yn lladmerydd brwd dros gerddoriaeth o Gymru ac mae wedi comisiynu a pherfformio gweithiau newydd ac wedi mentora talent ifanc a hyrwyddo cyfansoddwyr o Gymru. Yn y brifysgol yn ddiweddar, bu'n arwain The Dream of Gerontius gan Edward Elgar, lle roedd 180 o gantorion, Cerddorfa Symffoni Prifysgol Bangor, ac unawdwyr rhyngwladol yn cymryd rhan.



Toby Dixon - Doethuriaeth er Anrhydedd mewn Gweinyddiaeth Busnes (DBA er Anrhydedd)
Sylfaenydd a Phartner Rheoli Growth Fund 1 - Am wasanaethau i Fusnes ac Entrepreneuriaeth

Mae Toby Dixon yn gyn-fyfyriwr yn y brifysgol (BA Busnes a Marchnata 2002) ac mae wedi gwneud gyrfa lwyddiannus iddo ei hun ym maes entrepreneuriaeth gynaliadwy. Ef sefydlodd Marlin Green, cwmni recriwtio rhyngwladol gwerth £30+ miliwn, gan wasanaethu fel Prif Swyddog Gweithredol a Chadeirydd y cwmni. Mae Toby bellach yn buddsoddi mewn mentrau sy'n hyrwyddo lles gweithwyr ac arloesedd amgylcheddol ar draws sectorau megis gwefru cerbydau trydan, rheoli dŵr, a maeth personol. Mae'n cefnogi mentrau cymdeithasol megis Syntherix, sef cyffur canser sydd mewn treialon clinigol, ac roedd yn fuddsoddwr cynnar yn Flight Fund Steven Bartlett. Cronfa ecwiti preifat unigryw yw ei fenter ddiweddaraf, sef Growth Fund 1, sy'n canolbwyntio ar gyfleoedd cynaliadwy, twf uchel lle mae potensial ariannol cryf.



Professor David T Jones - Doethuriaeth er Anrhydedd mewn Meddygaeth (MD er Anrhydedd)
Cyn Reolwr Cyffredinol Awdurdod Iechyd Clwyd - Am Gyfraniad Rhanbarthol

Mae perthynas yr Athro David T Jones â Phrifysgol Bangor yn hirsefydlog gan mai ef oedd Cymrawd er Anrhydedd cyntaf y Brifysgol yn 1988. Bu'n feddyg teulu ac yn uwch-weinyddwr i'r gwasanaeth iechyd a gwnaeth gyfraniad allweddol i'r gwaith o ddatblygu ysbytai cymunedol a gwella gwasanaethau i bobl ag anawsterau dysgu. Chwaraeodd ran greiddiol yn y prosesau cynllunio ac ymgynghori pan sefydlwyd Ysbyty Glan Clwyd ac roedd ganddo enw da am ei ymwneud cyson â meddygon teulu lleol. Bu'n gwasanaethu fel Prif Swyddog Meddygol ac yn ddiweddarach fel Rheolwr Cyffredinol Awdurdod Iechyd Clwyd. Mae'r Athro Jones wedi sefydlu Cronfa Celfyddyd Gain Geltaidd David T Jones a Gwobr Bydwreigiaeth Eleanor Henderson Pearson, er cof am ei ddiweddar fam.



Dr Keith Hiscock MBE - Doethuriaeth er Anrhydedd mewn Gwyddoniaeth (DSc er Anrhydedd)
Cadwraethwr Morol - Am Ysgolheictod ac Arloesedd Eithriadol

Mae Dr Keith Hiscock wedi bod yn ysgogwr di-ildio ym maes cadwraeth forol yn y Deyrnas Unedig ers dros 50 mlynedd. Dechreuodd ar ei waith arloesol ym meysydd Ardaloedd Morol Gwarchodedig, monitro rhywogaethau, a chynefinoedd tanddwr wrth astudio am ddoethuriaeth (Biolog Forol 1976) ym Mhrifysgol Bangor. Mae'n ddeifiwr a ffotograffydd tanddwr medrus ac mae wedi cyhoeddi dros 90 o bapurau gwyddonol a sawl cyfrol ddylanwadol. Mae wedi arwain rhaglenni cenedlaethol ar fioamrywiaeth forol ac wedi cynghori cyrrff y llywodraeth, gan chwarae rhan allweddol yn y gwaith o lunio polisi morol. Dyfarnwyd MBE iddo yn 2023 ac mae Keith yn parhau i ysbrydoli gwyddonwyr morol trwy ei ymchwi a'i ymrwymiad i amgylchedd morol y Deyrnas Unedig.



Alison Field - Doethuriaeth er Anrhydedd mewn Gwyddoniaeth (DSc er Anrhydedd)
Llywydd a Chadeirydd y Gymdeithas Goedwigaeth Frenhinol - Am Wasanaeth Cyhoeddus

Yn 2024, daeth Alison Field yn 77fed Llywydd a Chadeirydd y Gymdeithas Goedwigaeth Frenhinol, gan nodi penllanw gyrfa nodedig dros 50 mlynedd yn gweithio yn y diwydiant coedwigaeth yn y sector cyhoeddus a'r sector preifat. Roedd ar flaen y gad fel merch yn y proffesiwn pan raddiodd o Fangor (BSc Coedwigaeth 1978) a hi yw un o'r ychydig ferched sydd wedi cyrraedd y brig yn y diwydiant. Mae wedi arwain sefydliadau megis y Comisiwn Coedwigaeth, National Forest a English Woodlands Forestry Ltd. Mae gan Alison enw da am ei hymrwymiad i amrywiaeth, gwasanaeth cyhoeddus a mentergarwch, ac mae wedi gwneud argraff barhaol ledled y Deyrnas Unedig.

Llongyfarchiadau, rydych wedi graddio!

Rydych yn awr yn ymuno â'n cymuned amrywiol o gyn-fyfyrwyr sy'n rhagori yn eu gyrfaedd gyda'r sgiliau a'r gefnogaeth y maent wedi'u derbyn ym Mangor.

Alumni Bangor' yw cymdeithas y Brifysgol ar gyfer cyn-fyfyrwyr. Nid ydym eisiau colli cysylltiad â chi ar ôl i chi raddio. Trwy gynnal cysylltiadau gydol oes gyda chyn-fyfyrwyr, rydym wedi ymrwymo i hyrwyddo eich llwyddiannau a hwyluso cyswllt rhwng ffrindiau ac adrannau, a chefnogi rhydwethiau newydd.

Mae ein cymuned o raddedigion yn pontio cenedlaethau a chyfandiroedd gyda chyn-fyfyrwyr ledled y byd yn cyfarfod a chynorthwyo ei gilydd - heb iddynt erioed gyfarfod yn ystod eu bywydau fel myfyrwyr yn aml. Rydych yn awr yn aelod o'r rhydwethau gwerthfawr hwn!

Er mwyn sicrhau eich bod yn rhan o'n rhydwethau o gyn-fyfyrwyr, cofiwch sicrhau bod eich manylion cyswllt cyfredol gennym drwy lenwi ein ffurflen ddiweddarau ar-lein a dewis derbyn negeseuon at gyn-fyfyrwyr.



Sganiwch i optio i mewn i gyfathrebiadau cyn-fyfyrwyr.

Nid yw'n hwyl fawr!

Eich cymuned o gyn-fyfyrwyr

Fel cyn-fyfyrwr o Fangor, gallwch elwa ar amrywiaeth o wasanaethau, gan gynnwys:

- E-newyddion Cyn-fyfyrwyr: rydym yn anfon e-newyddlenni misol i roi'r newyddion diweddaraf i chi o'r Brifysgol, gan gynnwys manylion am aduniadau a digwyddiadau a gwybodaeth am yr ymchwil a'r gweithgareddau sy'n digwydd yn ein hysgolion a'n colegau.
- Mynediad i'r llyfrgell: gall cyn-fyfyrwyr barhau i gael myniediad i lyfrgelloedd ardderchog y Brifysgol gyda Cherdyn Llyfrgell Cyn-fyfyrwr.
- Gwybodaeth am rwydwethiau a grwpiau cyn-fyfyrwyr, gan gynnwys grwpiau ar y cyfryngau cymdeithasol fel LinkedIn a Facebook.

I ble fydd eich taith yn mynd â chi?

Cadwch mewn cysylltiad â'n cymuned cyn-fyfyrwyr a rhannwch eich stori.

bangor.ac.uk/cy/alumni

Ehangwch eich dealltwriaeth drwy barhau ar eich siwrne addysg uwch gyda ni

Astudiaethau Ôl-radd Hyfforddedig

Mae ein cyrsiau ôl-radd hyfforddedig yn cynnig myniediad i arbenigwyr a chyfleusterau heb eu hail, i'ch helpu chi ddatblygu sgiliau ac ennill cymwysterau.

Gallai myfyrwyr a raddiodd ym Mangor fod yn gymwys i dderbyn gostyngiad o hyd at 20% ar gyrsiau ôl-radd hyfforddedig.

Rhaglenni ymchwil

Datblygwch eich sgiliau ymchwil ymhlith cyfoedion a darlithwyr sy'n rhannu eich brwdfrydedd dros ehangu dealltwriaeth y byd am eich pwnc.



Sganiwch i ddysgu mwy am ein gostyngiad ôl-radd

Gwasanaeth Gyrfaedd a Chyflogadywedd

Oeddech chi'n gwybod y gallwch fel cyn-fyfyrwr ym Mhrifysgol Bangor, ddefnyddio Gwasanaeth Gyrfaedd a Chyflogadywedd y Brifysgol am dair blynedd ar ôl i chi raddio? Gall myniediad at gyngor a gwybodaeth am yrfaedd fod yr un mor bwysig i chi ar ôl graddio â phan oeddech chi'n fyfyrwr. Mae graddio'n garreg filltir gyffrous a phwysig i bob un ohonom - bydd y cyfnod ar ôl graddio'n llawn newid, ond gall fod yn heriol hefyd.

Dyma rai o'r ffyrdd y gall y Gwasanaeth Gyrfaedd a Chyflogadywedd eich helpu:

- Cymorth ac adborth ar gyfer CV a gwneud ceisiadau.
- Paratoi at gyfweiliad.
- Cynorthwyo graddedigion ansicr / pryderus am 'beth i'w wneud nesaf'.
- Gwella'r chwilio am swyddi / cyfleoedd.
- Rhoi cynnig ar ddulliau newydd os bu graddedigion yn aflwyddiannus gyda'u ceisiadau.
- Archwilio ffyrdd o ennill profiad a sefydlu / gwella rhydwethiau.

Gall ein graddedigion fanteisio ar gyfrif 'am oes' (CyswlltGyrfa), sy'n cynnig offer, adnoddau a chyfleoedd lu, a chefnogaeth ac adnoddau ychwanegol.

Y cyfan sydd angen i chi ei wneud i barhau neu ailgysylltu â'n gwasanaeth yw sefydlu cyfrif CyswlltGyrfa i raddedigion (careerconnect.bangor.ac.uk) - byddwch yn cael eich gwahodd i wneud hyn cyn gynted ag y byddwch yn graddio. Cofrestrwch gan ddefnyddio'ch cyfeiriad e-bost personol, a byddwn yn cyfuno eich cyfrif myfyrwr â'ch cyfrif graddedig newydd.

'Bu'r cyfleoedd ym Mangor yn fodd i sicrhau swydd imi mewn cwmni rhyngwladol.'

Awen Edwards
Cyfreithiwr yn DAC Beachcroft LLP
Astudiodd: Y Gyfraith gyda Chymraeg (LLB), 2020



